

**KERATAN AKHBAR-AKHBAR TEMPATAN
TARIKH: 20 OGOS 2015 (KHAMIS)**

Bil	Tajuk	Akhbar
1	BiotechCorp jangka tiga syarikat BioNexus disenarai tahun depan	Utusan Malaysia
2	Tiga lagi syarikat BioNexus ke bursa	Berita Harian
3	BiotechCorp jangka tiga syarikat BioNexus disenaraikan tahun depan	Bernamea.com
4	Malaysian biosimilar products to be sold in Asean countries	The Star
5	El Nino may be both good and bad	The Star
6	Angin kencang dijangka berterusan hingga isnin	Bernamea.com

KERATAN AKHBAR
UTUSAN MALAYSIA (DALAM NEGERI): MUKA SURAT 7
TARIKH : 20 OGOS 2015 (KHAMIS)

BiotechCorp jangka tiga syarikat bionexus disenarai tahun depan

KUALA LUMPUR 19 Ogos - Perbadanan Bioteknologi Malaysia (BiotechCorp) menjangkakan tiga daripada 261 syarikat berstatus bionexus, akan disenaraikan di Bursa Malaysia tahun depan berbanding enam ketika ini, kata Ketua Pegawai Eksekutifnya, Datuk Mohd. Nazlee Kamal.

Beliau berkata, Syarikat berstatus bionexus itu akan menerima pelbagai insentif menarik, termasuk pengecualian cukai sejajar usaha menyemarakkan kelestarian pembangunan bioteknologi negara.

Menurutnya, dua syarikat itu terbabit dalam industri kesejahteraan diri manakala satu lagi syarikat bio-pertanian.

"Kesemua syarikat itu sedang membuat persiapan bagi Tawaran Awam Permulaan (IPO). Namun mereka akan hanya ke arah (penyenaian) itu tahun depan kerana menunggu persekitaran pasaran yang lebih baik," katanya dalam majlis penutup Pameran dan Persidangan BioMalaysia dan ASEAN Bioeconomy 2015, di sini hari ini.

Mohd. Nazlee berkata, salah satu syarikat bionexus, BioAlpha Holdings Bhd., juga terlebih langganan sebanyak 32.19 kali pada harga tawaran awal sebanyak 20 sen ketika penyenaraian pada April lepas.

Sehubungan itu, tambahnya,

BiotechCorp berharap tiga syarikat itu akan mengulangi kejayaan IPO berkenaan dan agensi itu akan membantu usaha berkenaan selain mempromosikannya dalam kalangan pelabur.

Mengulas peranan BiotechCorp untuk meningkatkan bioekonomi serantau, beliau berkata, agensi **Kementerian Sains, Teknologi dan Inovasi** itu akan bekerjasama dengan Laos dan Kemboja bagi tujuan promosi industri itu.

Menurutnya, Malaysia juga bersedia membantu Laos yang berminat mendalami industri kesejahteraan diri manakala Kemboja mahu menyelami aspek perolehan tenaga daripada biojisim industri kelapa sawit.

"Pameran tiga hari itu yang dijangka disertai sehingga 7,000 pengunjung, mengetengahkan pelbagai teknologi terbaharu, inovasi dan produk 70 syarikat daripada pelbagai negara termasuk Singapura, India, Bahrain, Amerika Syarikat, Jerman, Kuwait, Iran, Thailand serta Malaysia sebagai negara tuan rumah," katanya.

Sementara itu, Biocareer yang turut dianjurkan bersempena pameran itu, dapat menarik seramai 358 pengunjung manakala portal BioKerjaya menerima sejumlah 124 permohonan kerja daripada lulusan sains dan bioteknologi. - BERNAMA



Syarikat berstatus bionexus itu akan menerima pelbagai insentif menarik, termasuk pengecualian cukai sejajar usaha menyemarakkan kelestarian pembangunan bioteknologi negara."

MOHD. NAZLEE KAMAL
Ketua Pegawai Eksekutif
BiotechCorp





“
Agensi di bawah MOSTI sentiasa memberi bantuan dengan mempromosikan syarikat bersandarkan keupayaan pasaran bioteknologi yang ingin disenaraikan kepada pelabur berpotensi”

Mohd Nazlee Kamal,
Ketua Pegawai Eksekutif Malaysian Biotechnology Corporation

Tiga lagi syarikat BioNexus ke bursa

» *BiotechCorp* sasar 500 firma disenarai menjelang tahun 2020

Oleh Mohd Zaky Zainuddin
zaky@bh.com.my

Malaysian Biotechnology Corporation (BiotechCorp) menjangkakan tiga lagi syarikat BioNexus akan disenaraikan di pasaran saham tahun depan.

Ketua Pegawai Eksekutifnya, Datuk Dr Mohd Nazlee Kamal, berkata penyenaaran tiga syarikat berkenaan iaitu dua daripada industri kesejahteraan dan satu (pertanian) bakal menjadikan keseluruhan sembilan syarikat BioNexus sebagai syarikat senaraian awam.

Katanya, ketiga-tiga syarikat berkenaan sebenarnya sudah bersedia untuk disenaraikan tahun ini, namun berdasarkan situasi pasaran yang mencabar dan tidak menentu,

mereka menangguhkan hasrat itu.

“Kita harap tahun depan pasaran ekuiti kembali stabil dan membuka ruang kepada syarikat BioNexus membuat penampilan di pasaran saham,” katanya selepas majlis penutup Pameran BioMalaysia & BioEkonomi ASEAN 2015 di Kuala Lumpur, semalam.

Setakat ini, enam syarikat BioNexus sudah disenaraikan di Bursa Malaysia, Australia dan London iaitu Bioalpha Holdings Bhd, StemLife Bhd, Malaysian Genomics Resource Centre Bhd, Sunzen Biotech Bhd, Holista Biotech dan PureCircle Ltd.

Pendedahan kepada pelabur

Mengulas peranan BiotechCorp, Nazlee berkata, agensi di bawah Kementerian Sains, Teknologi dan Inovasi (MOSTI) sentiasa memberi bantuan dengan mempromosikan syarikat bersandarkan keupayaan pasaran bioteknologi yang ingin disenaraikan kepada pelabur berpotensi.

“Kami sentiasa memberi pendedahan kepada pelabur berpotensi mengenai syarikat BioNexus dan unjuran pasaran bioteknologi bagi menarik minat mereka melabur dalam syarikat berkenaan.

“Ketika ini, BiotechCorp mempunyai 261 syarikat BioNexus dan kami menyasar untuk menambah bilangan ini kepada 500 syarikat menjelang tahun 2020,” katanya.

Mengenai Dana Pengkomersialan Bioteknologi (BCF) berjumlah RM30 juta yang diumumkan Menteri Sains, Teknologi dan Inovatif, Datuk Madius Tangau, beliau berkata, dana berbentuk pinjaman mudah dan geran itu bakal dimanfaatkan oleh sekurang-kurangnya 10 syarikat bioteknologi mulai tahun depan.

“BCF adalah berbentuk pinjaman berjumlah RM2 juta dan geran RM1 juta untuk disalurkan kepada syarikat pemula dan berstatus pertengahan untuk mengkomersialkan produk mereka,” katanya.

Sementara itu, Pameran BioMalaysia & BioEkonomi ASEAN 2015 yang memasuki edisi ke-13 dan berakhir semalam, menerima kira-kira 7,000 pengunjung sepanjang tiga hari acara itu berlangsung.

Sebanyak 70 syarikat mengisi 80 tapak pameran dengan lapan daripadanya adalah firma dari Singapura, India, Bahrain, Amerika Syarikat, Jerman, Kuwait, Iran dan Thailand.

